

ԿԱ ՄԻ ԶՐՈՒՅՑ, ԹԵ...

ՎԱՆԿ

Եկեք զրույցներից դուրս գրենք բառեր, որոնք օդի մեկ մղումով են արտասանվում՝ **ժայռ**, **հին**, **գետ** և այլն: Այժմ դուրս գրենք բառեր, որոնք օդի երկու և ավելի մղումով են արտասանվում՝ **գետափ**, **արահետ**, **գիտնական**, **ժամանակ** և այլն:

Օդի մեկ մղումով արտասանվող հնչյունը կամ հնչյունախումբը կոչվում է վանկ:

Օրինակ՝ **գարդ**, **գույն**, **նույնիսկ**, **ժա-մա-նակ**, **հա-րա-գատ**, **բար-ձրր**, **ա-ռա-քի-նուրթ-յուն**:

Մեկ վանկից կազմված բառերը միավանկ են: Երկու և ավելի վանկերից կազմված բառերը բազմավանկ են: Առանց ձայնավորի վանկ չի կարող կազմվել: Բառի մեջ որքան ձայնավոր կա, այդքան էլ վանկ կա: **Բարի** բառը երկվանկ է, քանի որ երկու ձայնավոր ունի՝ **ա**, **ի**:

Վանկը կարող է կազմվել նաև միայն մեկ ձայնավորով, օրինակ՝ **ա-մառ**, **ու-տել**, **օ-րա-գիր**:

Ձայնավորով ավարտվող կամ միայն ձայնավորից կազմված վանկը կոչվում է բաց վանկ, օրինակ՝ **տա-րի**, **բա-րի**, **մա-տա-նի**, **կա-նա-չի**, **ա-ռու**, **կա-տու** բառերի վանկերը բաց են:

Բաղաձայնով ավարտվող վանկը կոչվում է փակ վանկ, օրինակ՝ **Վար-դան**, **որ-սորդ**, **եղ-նիկ** բառերի վանկերը փակ են:

Լսվող, բայց չգրվող ք հնչյուն ունեցող վանկը կոչվում է գաղտնավանկ: **Ը**-ն գրվում է վանկատման և տողադարձի ժամանակ, օրինակ՝ **կըր-թություն**, **ջը-րաման**, **ծա-նըր**:

Լինում են նաև մեկուկեսվանկանի բառեր: Դրանք այն բառերն են, որոնք կազմված են մեկ լիարժեք վանկից և գաղտնավանկից, օրինակ՝ **ար-կ(Ը)դ**, **տե-տ(Ը)ր**, **ոս-կ(Ը)ր**, **դուս-տ(Ը)ր**,

և այլն:



Առաջադրանքներ

1. Վանկատիր տրված բառերը՝ բաց և փակ վանկերը դասդասելով երկայուն աղյուսակի համապատասխան սյունակներում:

Ընթացք, ընկերասեր, փետրագնդակ, փնթփնթալ, բաժակ, ժամագործ, աղավնի, ձանձրալի, գաղտնարան, գերագանց, գրող, զանգակատուն, զուգահեռանիստ, ընդարձակ, թերթաքար, նամակաբեր, նոսր, պարահանդես, ռեհան, վարորդ, բերան, ուժեղ, փաստաբան:

2. Բառերի վերջում կցիր այնպիսի հնչյուն, որ նորակազմ բառն ունենա գաղտնավանկ:

Եզ, քաղց, ազդ, արկ, համ, հյուս:

Օրինակ՝ **հյուս** – **հյուսն**: